



## "KEMERDEKAAN MENURUT ISLAM"

الْحَمْدُ لِلَّهِ الْقَائِلِ : قُلْ اللَّهُمَّ مَلِكَ الْمُلْكِ تُؤْتِي  
الْمُلْكَ مَن تَشَاءُ وَتَنْزِعُ الْمُلْكَ مِمَّن تَشَاءُ وَتُعِزُّ  
مَن تَشَاءُ وَتُذِلُّ مَن تَشَاءُ بِيَدِكَ الْخَيْرُ إِنَّكَ عَلَى كُلِّ

شَيْءٍ قَدِيرٌ



أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّداً عَبْدُهُ وَرَسُولُهُ. اللَّهُمَّ صَلِّ  
وَسِّلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،  
أُوْصِيْكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.  
قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ  
تُقَاتِهِ وَلَا تَمُوتُنَ إِلَّا وَأَنْتُمْ مُسْلِمُونَ.



## **Sidang Jumaat Yang Di Rahmati Allah,**

Saya berpesan kepada diri saya sendiri dan kepada sidang Jumaat sekalian, marilah kita bertaqwah kepada Allah dengan menjunjung segala perintahnya dan menjauhi segala larangannya. Sempena dengan kemerdekaan tanah air kita saya mengajak sidang Jumaat sekalian agar mampu memerdekaan diri kita dari sebarang bentuk akidah, kepercayaan dan kehidupan yang menyimpang daripada Islam agar kita mendapat kemenangan di dunia dan di akhirat.

Khutbah kita pada hari ini mengajak kita menghayati erti "**KEMERDEKAAN MENURUT ISLAM**".

## **Sidang Jumaat Yang Dirahmati Allah,**

Kemerdekaan atau kebebasan merupakan salah satu prinsip asas dalam Syariat Islam. Kemerdekaan dalam Islam mencakupi seluruh aspek kehidupan baik dari sudut agama, politik, ekonomi, pemikiran, kebudayaan, keperibadian dan lain-lain.

Kemerdekaan sebagaimana yang selalu difahami oleh masyarakat kita adalah kebebasan daripada penjajahan kuasa asing. Kerana itulah kita dapati saban tahun seluruh rakyat di negara ini meraikan sambutan hari kemerdekaan setiap kali menjelangnya tarikh 31 Ogos. Persoalannya adakah memadai sekadar itu kemerdekaan yang dimaksudkan di dalam Islam? Jelasnya, Islam sebagai agama yang berdasarkan ketauhidan, telah datang untuk membebaskan manusia daripada perhambaan kepada sesama makhluk kepada perhambaan hanya kepada Allah SWT semata-mata. Sebab itu sejarah membuktikan ketika Islam menawan dan menguasai negeri-negeri bukan Islam seperti Rom dan Parsi ia bukan menjajahnya seperti penjajah



barat menjajah negara-negara Islam. Fakta jelas menunjukkan bahawa barat telah menjajah dengan menguasai tanah, khazanah, fikrah, akidah dan siasah agar semuanya tunduk dan dibolot oleh mereka. Sebaliknya penguasaan Islam lebih kepada tujuan membebaskan manusia dari belenggu syirik mengabdikan diri sesama manusia kepada hanya mentauhidkan Allah SWT.

Justeru, kemerdekaan yang hakiki adalah apabila manusia hanya mengikut petunjuk Islam dan menyerahkan jiwa sepenuhnya kepada Allah SWT. Islam dalam erti kata kesejahteraan, kedamaian dan keamanan semuanya menjurus kepada maksud kemerdekaan. Hakikat ini dapat kita lihat semasa perkembangan awal Islam di mana Rasulullah saw telah membawa kemakmuran kepada Negara Madinah dan memerdekaan Kota Mekah daripada cengkaman kafir Quraisy. Begitu juga perkembangan di zaman Khulafa' ar-Rasyidin yang banyak memerdekaan negara dari cengkaman kekufuran.

Firman Allah SWT. dalam surah Yusuf ayat 108 :

قُلْ هَذِهِ سَبِيلٌ أَدْعُوا إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي وَسُبْحَانَ اللَّهِ وَمَا أَنَا مِنَ الْمُشْرِكِينَ  
ص ۱۸

"Katakanlah (Wahai Muhammad): "Inilah jalanku, Aku dan orang-orang yang menurutku, menyeru manusia umumnya kepada agama Allah dengan berdasarkan keterangan dan bukti yang jelas nyata. dan Aku menegaskan: Maha suci Allah (dari segala iktiqad dan perbuatan syirik); dan bukanlah Aku dari golongan yang mempersekuatkan Allah dengan sesuatu yang lain".



Jelaslah ayat tersebut menyatakan bahawa manusia hanya akan selamat dan merdeka apabila mereka memperolehi hidayah dan petunjuk daripada Allah SWT. dan Rasul yang diutuskan-Nya. Sebaliknya bagi mereka yang menjauhkan diri daripada petunjuk Allah SWT., maka hidup mereka akan sentiasa terjajah dan lalai yang akhirnya memusnahkan diri mereka sendiri.

Hadis daripada Ibnu Umar RA. bahawa Rasulullah SAW. bersabda:

أَمْرَتُ أَنْ أُقَاتِلَ النَّاسَ حَتَّىٰ يَشْهَدُوا أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ وَيَقِيمُوا الصَّلَاةَ وَيُؤْتُوا الزَّكَاةَ فَإِذَا فَعَلُوا ذَلِكَ عَصَمُوا مِنِّي دِمَاءُهُمْ وَأَمْوَالُهُمْ إِلَّا بِحَقِّ الْإِسْلَامِ وَحِسَابُهُمْ عَلَى اللَّهِ تَعَالَى

"Aku telah diperintahkan untuk memerangi manusia sehingga mereka bersaksi bahawa tiada tuhan selain Allah dan Muhammad itu pesuruh Allah, mereka mendirikan solat dan menunaikan zakat. Apabila mereka melaksanakannya maka darah dan harta mereka terpelihara melainkan dengan hak Islam dan perhitungan mereka adalah di sisi Allah SWT".

(Riwayat Bukhari dan Muslim).

### Sidang Jumaat Yang Di Rahmati Allah,

Antara ciri-ciri lain kemerdekaan menurut Islam ialah:



1. Umat yang memiliki pemikiran yang menang. Menang dengan berfikiran apa yang terbaik perlu dilakukan untuk diri, agama, bangsa atau negaranya. Dia mesti berusaha untuk memerdekakannya dari belenggu kemunduran sehingga kesemuanya itu berada di mercu yang paling tinggi dan dihormati.
2. Sentiasa prihatin mempertahankan kemerdekaan. Ini kerana merdeka adalah nikmat terbesar kurniaan Allah yang bukan semua manusia dapat merasainya. Ramai umat dan bangsa yang mendiami dunia ini yang berjuang semenjak dahulu sehingga sekarang namun mereka masih belum menikmati sesuatu yang dinamakan kemerdekaan. Lihat sahaja umat Islam di bumi Ghaza, umat Islam Arakan di Myanmar dan di beberapa negara lain. Kehidupan mereka zahir dan batin terbelenggu dalam penjajahan. Segala-galanya disekat dan dihalang termasuklah kehidupan untuk beragama dan menjalani rutin kehidupan seharian.
3. Sentiasa mengenang pejuang-pejuang kemerdekaan. Generasi yang hidup di zaman ini janganlah melupakan pengorbanan para pejuang kemerdekaan yang telah membuka jalan ini kepada kita. Ini termasuklah para alim ulama yang berjuang seperti Tokku Paloh, Sheikh Abdul Samad al-Palembangi, Tok Janggut, Tok Gajah, Abdullah Fahim, Abd. Rahman Limbong, Sheikh Daud al-Fatani dan pejuang-pejuang yang lain. Disebabkan cetusan semangat para pejuang inilah maka kita dapat hidup di zaman ini dan merasai nikmat perjuangan mereka. Justeru itu, sebagai umat yang berhemah tinggi dan berakhlak, kita merasa terpanggil untuk menghormati dan mengenang kembali jasa pahlawan tanah air sama ada yang masih hidup atau yang telah gugur di medan perjuangan.



4. Hendaklah membebaskan diri daripada sifat-sifat yang boleh meruntuhkan wibawa kemanusiaan seperti keruntuhan akhlak dan kemurkaan Allah seperti mengadakan konsert yang bermatlamatkan hiburan melampau dalam suasana yang dikuasai oleh dadah, arak dan pergaulan bebas yang akhirnya mengorbankan nyawa muda mudi kita. Apakah itu merdeka namanya. Tepuklah dada tanya iman.

Dalam syair Arab ada disebutkan yang bermaksud: "Kekalnya bangsa kerana mulia akhlaknya, runtuhnya bangsa kerana runtuh akhlaknya".

5. Dan lebih jauh dari itu, kita hendaklah sentiasa memohon keampunan daripada Allah Ta'ala agar mendapat keredhaanNya dan terlepas daripada siksaan api neraka yang bahan bakarnya terdiri daripada manusia dan batu-batu.

### **Sidang Jumaat Sekalian,**

Hakikatnya kemerdekaan sebenar di sisi Islam ialah apabila kita berjaya menewaskan hawa nafsu dan musuh-musuh Allah yang menghalangi manusia daripada menyembah Allah dan memenuhi fitrah sebagai hamba-Nya.

Hadis daripada Abu Muhamad Abdullah bin Amru bin al-Ash RA. bahawa Rasulullah SAW. bersabda:

لَا يُؤْمِنُ أَحَدُكُمْ حَتَّىٰ يَكُونَ هَوَاهُ تَبَعًا لِمَا جَئَتْ بِهِ.



*"Tidak sempurna iman seseorang kamu sehingga kehendak nafsunya mengikut syariat yang kubawa".*

*(Riwayat an-Nawawi).*

Inilah dia nilai sebenar kemerdekaan yang diajarkan oleh agama kita. Kita hendaklah berusaha memerdekaikan diri kita daripada pengaruh syaitan dan juga hawa nafsu. Gunakan akal fikiran dan kawal emosi kita berpandukan al-Quran dan as-Sunnah lantas beramal dengannya.

Kesimpulannya, memahami merdeka dalam Islam itu ialah:

1. Kita hendaklah menjadi golongan yang bersyukur di atas nikmat kemerdekaan dan bertanggungjawab kepada kita untuk mempertahankannya.
2. Kita hendaklah membebaskan diri kita dari memperhambakan diri kepada sesama makhluk kepada mendambakan diri hanya kepada Allah SWT. semata-mata.
3. Kita hendaklah memahami bahawa merdeka itu adalah kejayaan kita mengikut semua petunjuk dan syariat Islam dan menyerahkan jiwa kita sepenuhnya kepada Allah SWT.
4. Kita juga hendaklah mengerti bahawa merdeka itu bermaksud kita berjaya membebaskan diri kita dari perkara-perkara yang meruntuhkan akhlak dan dari perbuatan-perbuatan yang dimurkai oleh Allah.
5. Kita hendaklah berusaha memerdekaan diri kita agar sentiasa mencapai jiwa yang tenang dan tenteram dengan beribadat kepada



Allah, sentiasa di dalam keampunan Allah dan merasai kehidupan penuh dengan keberkatan dan hidayah Allah SWT.

Marilah kita menghayati nikmat kemerdekaan pada tahun ini dengan melahirkan rasa bersyukur dan insaf terhadap kurniaan Allah SWT. Tidak ada gunanya kita meraikan sambutan hari kemerdekaan daripada cengkaman penjajah tetapi pada masa yang sama akidah, akhlak dan syariat masih dijajah oleh budaya dan peradaban asing yang bertentangan dengan Islam.

أَعُوذُ بِاللَّهِ مِنَ الشَّيْطَنِ الرَّجِيمِ  
وَإِنَّ هَذَا صِرَاطٌ مُسْتَقِيمٌ فَاتَّبِعُوهُ وَلَا تَتَّبِعُوا  
الْأَسْبُلَ فَتَفَرَّقَ بِكُمْ عَنْ سَبِيلِهِ ذَلِكُمْ وَصَنْكُمْ بِهِ  
لَعَلَّكُمْ تَتَّقُونَ

“Dan bahawa sesungguhnya inilah jalanKu (agama Islam) yang betul lurus, maka hendaklah kamu menurutnya; dan janganlah kamu menurut jalan-jalan (yang lain dari Islam), kerana jalan-jalan (yang lain itu) mencerai-beraikan kamu dari jalan Allah, dengan yang demikian itulah Allah perintahkan kamu, supaya kamu bertaqwa”.

(Al-An'am :153).



بَارَكَ اللَّهُ لِيْ وَلَكُمْ بِالْقُرْآنِ الْعَظِيمِ،  
وَنَفَعَنِيْ وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقْبَلَ مِنِّيْ وَمِنْكُمْ تِلَاقَتُهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيمَ لِيْ  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا  
مِنَ الطَّيِّبَاتِ. أَشْهُدُ أَنَّ لَا إِلَهَ إِلَّا اللَّهُ وَحْدَهُ،  
لَا شَرِيكَ لَهُ، وَأَشْهُدُ أَنَّ مُحَمَّداً عَبْدُهُ،  
وَرَسُولُهُ. اللَّهُمَّ صَلِّ وَسِّلِّمْ وَبَارِكْ عَلَى سَيِّدِنَا  
مُحَمَّدٍ وَعَلَى آلِهِ وَصَحْبِهِ وَمَنْ تَبعَهُمْ  
بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ،  
إِتُّقُوا اللَّهَ فَقَدْ فَازَ الْمُتَّقُونَ. قَالَ اللَّهُ تَعَالَى : إِنَّ  
اللَّهَ وَمَلَائِكَتَهُ يُصَلِّونَ عَلَى النَّبِيِّ يَتَاءُهَا الَّذِينَ  
ءَامَنُوا صَلَوَا عَلَيْهِ وَسَلَّمُوا تَسْلِيمًا. اللَّهُمَّ صَلِّ  
وَسِّلِّمْ عَلَى سَيِّدِ الْمُرْسَلِينَ وَارْضِ اللَّهُمَّ عَنْ  
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ



وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ قَرِيبٌ مُجِيبٌ الدَّعَوَاتِ وَيَا قَاضِي الْحَاجَاتِ . أَللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بَنَيْكَ الْأَمِينِ ، وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعَظِيمَى أَنْ تَحْفَظَ بَعِينَ عِنَايَتِكَ الرَّبَّانِيَّةِ وَبِحِفْظِ وَقَائِتِكَ الصَّمَدَانِيَّةِ، جَلَالَةِ مَلِكِنَا الْمُعَظَّمِ سُلْطَانِ سَلَّاعُورِ، سُلْطَانِ شَرَفِ الدِّينِ ادْرِيسِ شَاهِ الْحَاجِ ابْنِ الْمَرْحُومِ سُلْطَانِ صَلَاحِ الدِّينِ عَبْدِ الْعَزِيزِ شَاهِ الْحَاجِ . أَللَّهُمَّ أَدِمِ الْعَوْنَ وَالْهَدَى وَالْتَّوْفِيقَ، وَالصِّحَّةَ وَالسَّلَامَةَ مِنْكَ، لَوْلَى عَهْدِ سَلَّاعُورِ، تَغْكُو أَمِيرَ شَاهِ ابْنِ السُّلْطَانِ شَرَفِ الدِّينِ ادْرِيسِ



شَاهُ الْحَاجُ فِيْ أَمْنٍ وَصَالَاحٍ وَعَافِيَةٍ بِمَنْكَ  
وَكَرِيمَكَ يَا ذَالْجَلَالَ وَالْإِكْرَامِ. اللَّهُمَّ أَطِلْ  
عُمْرَهُمَا مُصْلِحِينَ لِلنُّوَظِفِينَ وَالرَّعِيَّةِ وَالْبِلَادِ،  
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.  
رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَاماً. رَبَّنَا إَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادُ  
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي  
الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ  
يَعِظُّكُمْ لَعَلَّكُمْ تَذَكَّرُونَ





فَإِذْ كُرُوا إِلَهُ الْعَظِيمِ يَذْكُرُكُمْ وَاسْكُرُوهُ عَلَىٰ  
نَعْمَهِ، يَزْدَكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

\*\*\*  
JAIS/Nurul  
19.08.2014